

佛門功德歌

Feb 28 07, Houston

發心不可少，功德人人曉，看是為他人，實際自己好。
名利本無常，五欲引人忙，若能全放下，入世又何妨。
戀世或離世，二皆遠中道，若能內外修，發心必定優。
眾生多苦難，才要有道場，護持三寶業，真理方能揚。
參與大眾事，寬宏放心量，如能容異己，何處不芬芳。
做事不怕擾，耐心則無巧，常觀性空理，智慧自明了。
若想免誤會，凡事多籌備，有緣有商量，發心自綿長。
講理不忘情，用情常憶法，處處能圓融，善緣廣無窮。
不聽是非言，常說慈愛語，將心比人心，自然得人欽。
對人要和好，急躁庸人擾，忍得剎那氣，時時不懊惱。
有過要懺悔，有功不自揚，經中常讚歎，斯人最安康。
見人受纏縛，應生憐憫想，勸勉存厚道，人生多福報。
正見即智慧，慈悲生力量，維護大眾益，個人才增光。
無人復無我，論理離瞋所，忍耐能自在，可去人事礙。
戒律是規則，心定語安詳，煩惱依慧解，人間即樂邦。
念佛除妄想，觀空捨執著，此是佛祖意，莫添煩惱魔。
大悲為上首，般若方便有，修四無量心，惡業不能侵。
普勸發心者，勤修菩提道，現在消舊業，將來無煩惱。